

## Novi ciklus projekta Ženska Mentorska Mreža



### Otvorene prijave za petu generaciju Ženske Mentorske Mreže: Nova prilika za pedeset mladih žena s fokusom na osnaživanje i jačanje njihove uloge u poslovnom svijetu.

Danas je zvanično otvoren **peti** ciklus mentorskog programa **Ženska Mentorska Mreža**. Program je osmišljen kako bi mladim ženama iz Bosne i Hercegovine pomogao u razvoju ključnih poslovnih vještina i stvaranju podržavajućeg okruženja koje će dodatno ojačati njihovu ulogu u društvu kroz podršku, obrazovanje i umrežavanje.

Addiko Bank d.d. Sarajevo i Deloitte BiH, organizatori programa, najavili su i ove godine izuzetno pažljivo osmišljen program koji će pomoći osnaživanju žena i unapređenju njihovih karijera. **Ženska Mentorska Mreža** je kroz prethodne generacije ostvarila značaj uspjeh i pokazala da pružanje podrške i jačanje mreže može imati dubok uticaj na profesionalni razvoj. Program edukacije je kroz četiri ciklusa omogućen za više od dvjesto mladih žena na početku karijernog razvoja.

**Prijave su otvorene do 08.04.2025. godine**, a mogućnost učešća imaju fakultetski obrazovane, zaposlene žene sa minimalno godinu dana radnog iskustva i s izraženom željom za učenjem i profesionalnim napredovanjem.

„S ponosom možemo reći da se program Ženska Mentorska Mreža kao metod individualnog mentorskog rada mentorina sa mentoricama pokazao kao izuzetno uspješan te smo i ove godine odlučili na isti način okupiti i motivisati sve mlade žene i započeti novi, peti ciklus zaredom. I ovaj put ćemo osigurati da svaka mlada, poslovna žena na početku svoje karijere dobije odgovarajuću podršku za svoj profesionalni razvoj. Umrežavanje može otvoriti mnoge prilike i omogućiti razmjenu iskustva, kako s mentoricama tako i s ostalim profesionalcima iz različitih industrija“, istakla je Sanela Pašić, članica NO Addiko Bank Sarajevo i jedna od osnivačica projekta.

Sabina Softić, direktorica Deloitte BiH kaže: „Ženska Mentorska mreža nije samo jednogodišnji program, to je zajednica koja gradi budućnost. Svaka generacija donosi nevjerovatne priče o rastu i uspjehu i s velikim entuzijazmom ulazimo u petu sezonu, znajući koliko mentorstvo može značiti mladim ženama na početku karijere. Kroz godine smo vidjeli kako se žene iz različitih industrija

međusobno podržavaju, razvijaju i pronalaze nove prilike upravo zahvaljujući programu. Nastavljamo graditi prostor u kojem svaka žena može osjetiti snagu zajednice, inspirisati se iskustvima drugih i hrabro koračati naprijed.“

Prijavi se i postani dio grupe od pedeset mladih poslovnih žena, budućih liderki iz cijele Bosne i Hercegovine koje će činiti petu generaciju Ženske Mentorske Mreže BiH.

Više informacija o prijavi i učešću u programu moguće je saznati na linku: <https://www.addiko-fbih.ba/javni-poziv-za-ucesce-u-projektu-zenska-mentorska-mreza-2025/>.